

docriver 文川网
入驻商家 古籍书城
在文川网搜索古籍书城 获取更多电子书

中國方志叢書·華北地方·第三五九號

據

民國·王延綸總裁，王輔銘纂
民國元年刊本

影印

山東省

武城縣志



SK18/02

成文出版社有限公司印行



中國方志叢書·華北地方·第三五九號

據

民國·王延綸總裁，王輔銘纂
民國·元年刊本

影印

山東省

武城縣志



5/18/02

成文出版社有限公司印行



10098540

中華民國六十五年 月壹一版

武城縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

docsriver 文川网
入驻商家 古籍书城

在文川网搜索古籍书城 获取更多电子书

壬子九月

增訂正武皇極經世一書

板存禮房

增訂武城縣續志序

民國紀元之年適武城邑志告成蓋其役者王君允堂促儼生綴言以弁其首按武邑志創於明嘉靖己酉清順治中復踵修之乾隆庚午駱李兩令捐貲倡修一時采訪確實編輯詳明僉曰善本道光末造厲令惕齋續志四册甚屬缺畧庚戌定州王君鶴芝攝斯邑篆以考文廟樂舞生之餘款提議設局增修章程門類次序悉以舊志爲藍本簡者補之陋者刪之新入事實

依類增列雖文章不必沈博鉅麗而立言
翔實無假雕飾他日民國基礎鞏固聲明
文物冠絕五洲我大總統飭輯軒采風或
有取焉是爲序

中華民國元年四月十二日卽陰曆壬子
二月二十三日武城長咸陽李繩先芝政
甫書於官廨之蝸廬

增訂武城縣續志序

縣志者一邑之史也攷治者常用爲資焉而纂著則頗難其人武城縣志創始於明之嘉靖尤見洲廣續成之者爲金一貞守諒及前清房君如萬達然多闕畧未備歷百餘年駱君甸方出始增易體例成爲一邑信史又歷九十餘年而有儀徵厲公秀芳之續刊其間散佚斷缺讀者憾之繼厲公而有作蓋又在此邦賢有文者已余蒞斯邑下車伊始王君允堂卽以重修縣志

告成屬爲弁言於其首余以公事旁午素
不嫻爲文又以未見其書於纂修始末及
排比事例懵乎未有所知辭謝未及爲繼
而王君敦促再四且言雕梓已竟專俟序
成刊入之乃不辭而爲之序曰武城古名
邑也衛河漕轉東南之粟由縣治徑達直
隸天津以至京師舳舻千里相銜商賈麇
至市易繁興固一委輸通貨之區也自漕
運改制而商業頓衰生計亦因而彫耗余
來武城由德州買舟南下甫入境見夫

疇叠襲居民織嗇猶有鄒魯齷齪遺風
歎山川之氣未昌而文化之興獨後矣繼
而循行井閭訪問謠俗則見野無奇邪之
氓市鮮淫僞之貨荐紳人士潔已守法官
游四方者亦多以文治武功知名於時其
質樸純懿乃勝於他郡縣遠甚爲之歎異
者久之近日風俗抗敵士大夫類以浮靡
巧詐相競武城獨敦龐近古若斯此先賢
教澤之所留貽而守土者所樂與此邦游
處者也風俗者由相積相蕩而成而爲治

道因革盛衰之所由繫也古者天子巡狩
太史觀風下至郡國守相亦莫不條舉天
下之風俗利病以資考證於民質良楛俗
尚貞淫蓋綦重焉而後世之爲治者漫不
察時勢習俗之何如輒以異國不相習之
法強以施諸格不相入之民何怪其愈治
愈彊動滋變亂也乎然則考核一邑之建
置沿革山川形勝與夫田賦學校兵戎諸
要政旁及風土物產官績人物舉一切至
纖至瑣之事俾皆犁然有當於心非獨

家之責抑亦守土者之所有事也邑乘於
目錄家屬史作史以表志爲要昔桐城吳
擘甫先生作深州風土記凡百事物悉以
表著之奇出萬變不可方物冀州湘帆先
生歎爲史遷以下絕作然自始議以迄終
事積三十年而始竟其爲之難且久蓋如
此今王君等僅纂輯於一歲之間而又當
亂離多事之日其不克舉彼以例此昭昭
明矣然能遺棄聲利而從事於所學其功
勤亦不可沒余喜是邦風俗之美而又嘉



王君之能網羅舊聞鼓踵前美也乃爲序而歸之

中華民國元年十月卽壬子年九月知武城縣事袁彊李書田謹序

武城縣續志序

武城縣志自駱君甸方於乾隆十四年重修迄今九十二年未育踵其事者余謏陋無文曷敢以修志自任第念此九十餘年以來事蹟之湮沒者不少卽此時亟加採訪而已半屬無徵况復任令湮沒後世君子更無從考訂矣余不揣固陋公餘檢查檔冊凡有關民社者必召詢吏人若者因若者革一一筆識之積三年而成帙乃商諸和藹張君廣文擬續於舊志之後廣文曰善卽請以未載檔冊者就同人諮訪之適是夏河亦順平衙齋多暇爰仿舊志之式手自編

錄閱三月脫稿雖體例非所素諳而往蹟之湮沒者
實藉是編以維存之且令後任君子凡屬民社之事
第開卷而自悉亦未始非芻蕘之一得也後人有事
統修卽以是編爲後來之副本焉亦無不可惜

道光二十有一年辛丑歲孟秋之吉文林郎知武城
縣事儀徵厲秀芳楊齋氏謹叙

武城縣舊志序

武城志之荒略殘闕所從來遠矣攷當時作者爲明嘉靖己酉令尤見洲麒麟前此未有也隆慶己巳金一貞守諒囚而增修其間相去二十餘年耳自後終明之世無聞焉侵尋變易至我皇清順治庚寅乃得房君如萬達是又國朝武城令之見洲矣而所志如職官建置與一切事類闕略殆甚雖志而不足爲有無於是論者率以苟簡爲君如咎要亦咎之已耳未聞有爲之一貞者也蓋歷今且百有餘年而余適承其後閱覽其志未嘗不咎其闕略且病其語無

詮次幾與斷爛朝報等不足觀也既而思之夫君如
則何咎之有撫茲百里當興王更化之初邦家

新造制度因革損益尙未盡備又明季土賊草竊奸
宄餘氛尙未盡殄四郊多壘庸夫處此城守且不暇
顧猶能休其餘閑從容商榷爲邑乘計此其才識優
長已有明驗非竟憤憤而失之闕略也母亦兵燹之

餘邑人士瘡痍鳩鵲救死謀生之爲急誰復留心掇
緝相與拾遺而補漏其闕略者時也勢也於君如乎
何與獨怪夫繼君如者且十數公矣由順治而來重
熙累洽四海晏安身爲長吏職當道揚作新乃終

docsriver 文川网
入驻商家 古籍书城

在文川网搜索古籍书城 获取更多电子书

事之宜大書特書不一書而足者上而良法善政
及方隅下而忠孝節義有關風教若此類竟坐視其
散佚殆盡泯泯無所尋逐以至於今何其偷也向使
此十數公者而丁君如之時偷又甚矣卽欲求爲如
此闕略之志將必不能而尙敢以苟簡爲君如咎哉
嗟乎此予所爲掩卷太息萬不獲已於斯志之修也
蓋旣責他人之不修矣尤而效之夫何敢特余方以
所修爲君如之一貞而視一貞之去見洲已遠甚茫
茫百餘年間事蹟散亡以今日邑人士留心掇緝而
限於見聞若此闕略竟闕略矣雖微余之鄙陋獨且

奈何哉無廢後觀而已若夫志之有裨邑人士而備他日輶軒之採與邑宰之資以興革勸懲所闕非小舊序不啻爲余言之無煩辭費矣故旣脫稿惟略述修廢所由以待後之君子踵而增焉不然而亦如前人之聽其散佚已也則自今以往其闕略當必有任其責者不能爲余之一貞而徒齷齪以咎君如者轉而咎予無庸也肯

乾隆十有四年己巳歲仲秋之吉文林郎知武城縣專宣成駱大俊甸方氏謹序

武城縣舊志序

從來山川名勝之所在聖賢流風餘韻之所存固宜遊之士所樂躬其地載筆者所樂摛其藻者也天下郡邑星列碁布指不勝屈矣弦歌聞而武城逐籍籍人口顧疆場之邑一彼一此而歷代轉徙建直名號沿革復不一立乎今日以指春秋春秋之世遠矣由漢而來可考也漢興分秦之鉅鹿郡爲清河郡中置東武城縣其地卽今之武城也至去東專以武城名則自晉太康中始沿厯隋唐宋元迄有明弗改我朝因之武城之爲武城也厥惟舊哉或曰今之武城

與魯之武城有間矣夫武城之所以重於天下與天下之所以重武城者以武城重歟以宰武城者重歟且夫學古入官者貴師古人之意而已不惟其地也聖門諸賢以命世才試於一官一邑者衆矣雖所宰異地寬猛勞逸異宜要其學道愛人有異地皆然者爲宰者苟隨地能以子游治武城之治治卽隨地可作武城觀矧茲弦歌有臺莞爾有堂謂之疑以傳疑也可卽謂之著以傳著也亦可諺曰不習爲吏視已成事有成事而不之師是卽日居子游氏之室誦子游氏之言奚補焉今

上龍飛之十四年孟冬

行原野所至黃童白叟環迎馬首前後美哉其殆有
易使之風乎自非飮聞仁賢之化沐浴 聖朝累洽
重熙之澤曷克臻此夫士人當束髮受經時讀齊魯
論愾念弦歌悠然神往一旦縮半通身臨其地今之
民既不異於古所云矣今之君子其爲克廣德心惠
我人斯者宜何如也吾聞之蔡潔之士無待而興太
史公曰高山仰止景行行止雖不能至心竊嚮往之
余以菲材一行作吏私心竊喜適與先賢所宰之地


從同而又惴惴然深以不克稱 聖天子慎簡牧
令之意副 大憲爲官擇人之心廣先賢禮樂陶冶
之化是懼故於警校新志舉付剗刷之下手卷太息
而不能已於言言之不文非所計也若夫斯志修輯
之顛末與是役採掇之勤瘁前令尹駱君甸方大俊
詳哉乎言之矣茲不更贅是爲叙嘗

乾隆十有五年庚午歲季春之吉文林郎知武城縣
事南州李湖漫堂氏謹序


武城縣舊志序

昔韓宣子適魯見易象與春秋而曰周禮盡在魯夫子有志於夏商之禮杞宋之文獻不足則每歎其無徵志之所係大矣武城雅稱獻邑舊未有志不才承乏數月卽進邑博陳君淺泉而告之曰志也者一縣之史也鑑古規今昭前貽來於是乎在予司茲土子與文教是邑之志可復譖諸後哉乃走幣於三河司訓劉君求初稿四帙復取山東通志東昌郡志并以耳目所及次第增入屬辭比事俱付諸淺泉而於一邑大致所係者予後先參酌多所裁定邑進上高君

星石知舊事爲詳編次補亡重加釐正閱周年脫稿稱完乘焉別爲十卷首疆域以明封宇次戶賦以重民力次官職以嚴典守祠祀次之而神人和矣學校次之而風化端矣選舉次之而賓興盛矣俊彥爲時珪璋著述爲邑文獻殃瑞爲治徵應故人物文章詳異又次之至於寓賢叢說亦皆可資見聞故以雜志終焉而一邑之史於是乎備矣大都一邑之史人與政而已政述其已行者詳其未備者而孰利孰病當因當革爛然可覩也人表其尤著者附其得書者而孰善孰否當法當懲爛然可覩也志成之後使



士者於人於政而稽之則爲鄉賢爲里仁武城爲
邑於前有光矣使官茲土者於人於政而稽之則爲
名宦爲德政武城爲治邑於今爲烈矣然則是志之
修豈徒聳觀美侈文具而已哉錄實傳信化今啟後
固予之所厚望者昔言子爲武城宰文學之名亞
之花遂甲諸天下而地靈人傑漢唐以來如趙普
伏伽諸公俱以忠孝德業爲東郡冠則夫武城之見
重於世薰矣吾儕之爲武城重者當何如耶予不佞
聊述管見以勗諸同志者嘉靖己酉夏承事郎知武
城事晉江見洲允麒謹序



正史紀事本末

卷之六

十一

武城縣舊志序

志史之別名也貴辨貴的貴法而可勸可懲三者備而後可以言志武城舊有志予始取觀之事類多淆規制多舛紀載或私簡策雖備而尙歎於志之稱亟欲修之時方賦篆未遑近試鴛三祀公庭稍暇顧簾垂影處瑟怡情頗以逸自娛然恐自逸非所以率職每思吾之所務備荒建義倉矣啟蒙立社學矣學道營書院矣敬射圃葺亭矣修捍衛以固守封疆者城隍式廓矣他廢墜未舉者猶多而志其尤也於是禮聘秋山傅子任其責傅子素嫻文章較劇其所長

又與子有桑梓之雅辱不見遺欣然俯從之延之別館掃跡操觚無間昏旦供役者手不能停越月而績就予觀其志綱計之凡八焉目計之凡六十有四焉自圖像至藝文事類則甚辨也爲表爲傳大書特書皆有據有考詳不病於繁略不病於簡規制則甚的也與賢奪不肖增其缺失去其荒謬昔以私意竊人而不協於道者不能逃其是非之公凡所紀錄可表天日可質鬼神以法則甚嚴而勸懲於是乎存也昔唐人李翱任史館修撰惟直載事功而不取行狀傳子之志庶幾矣余歎曰美哉志也傳子其善於較

docsriver 文川网
入驻商家 古籍书城

在文川网搜索古籍书城 获取更多电子书

哉其無負予聘哉命刻之且序降慶三年歲次己
夏六月文林郎知武城事一真子烏傷全守諫書

五均果元

卷六

六